



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Friderici Forneri Theologiae Doctoris Canonici Ecclesiae
Collegiatæ diui Stephani Bambergæ, De Temulentia
Malo, Eiusque Remediis, Variis Item Scitu Iucundissimis,
nec non vtilissimis de rebus, quæ in ...**

Förner, Friedrich

Ingolstadii, 1603

Cap. XVI. Remedium secundum; Mortificatio inordinatæ appetitionis vini.

urn:nbn:de:hbz:466:1-45433

Eccl. 14. nuntiatum est. *Memor esto quonia mors non tardabit,* quod eadem inquam vivendi norma, & ipsi dies proterant suos, quasi nec iudicium, nec infern^o, post mortem amplius superfit, illud omnem longissimam excedit admirationem.

CAPVT XVI.

Remedium II.

Mortificatio inordinatæ appetitionis vini.

Naturali fluxu, antidotum hoc alterum ex priorum dimanat. Nam qui se perpetua mortis ac iudicii contemplatione exercuerit, ad mortificandam, atque extirpandam inordinatam vini appetentiam, nullo negotio inflectetur. *Castigo corpus meum, & in seruitutem redigo,* de seipso prædicat S. Apostolus. Et hæc quidem omnium Christianorum professio est, ac scopus, Diuo Ambrosio affirmante.

Lib. de bono mortu. Quid aliud in hac vita iusti agent, nisi vt exuant se huius corporis cogitationibus, quæ velut vincula nos ligant, & renuncient voluptatibus, & illecebras frangant? Quare huic operi haud segniter insistendum, si effraenes eiusmodi concupiscentias, animum turbantes, vini præsertim libidinem, expungere mens est. Id verò, quid ni vnusquisq; Christi fide ac nomine insignitus, lubens & gnauiter aggrediatur, vrgeat, exequatur? *si mutuo accipis bouem vel equum, ratiocinatur S. Ioannes Chrysostomus, nonne assidue operaris opus tuum in eum? Dicis enim apud te, hodie aut cras tollendus est à me, quia non est meus. Etiam tu in corruptibili corpore natus, quare non ad vtilitatem animæ tuæ, vteris temporali corpore tuo? sciens, quia post modicum tollendum est à te, quia non est tuum? Et Diuus Basilius.*

quemadmodum incola, qui alienæ inquilinus est domus, *In Psal. 14.*
ad domini arbitrium eam colit, & exercet: Ita & nobis *Simile.*

carnis diligentia traditur, ut congruè eam exercentes,
fructum ex ea bonum, præbenti, reddamus. Si enim Deo
digna fuerit, fiet eius tabernaculum. Et qui hoc recu-
sant, qui carnem exercere, & eius titillationibus re-
mitti nolunt, omni sanè reprehensione digni sunt,
quod luteæ massæ inordinato amore, nobiliorem
sui partem, animam inquam negligentes, cultu suo,
quem Deus requirit, perfida segnitie destituant.

Qua de re venuste & grauiter Absalon Eremita:

Quidam vir nobilis, & eius seruus, tibi in custodiam da- *Serm. 3. de*
ti sunt, ea lege, ut seruum pane & aqua, more serui: No- *Annūcia.*
bilem secundum dignitatem Natalium suorum, procu- *Deipara*
raret, splendide: Tu verò contrarium; Nobilem fame & *virg. Ma-*
ria.

fati, & multis iniuriis confecisti: Seruum verò delicatè *Simile pul-*
nutristi, omni genere deliciarum, insolentem fecisti, re- *chrum.*

bellum Domino suo, cui insurgens, vulnerat inultus, occi-
dit tandem. Quid respondebis ei, qui vtrumque tibi com-
misit? Tu homo, crudelis homo fuisti, qui nobilem vi-
rum, spiritum & animam, nullis delitiis virtutum, nulla
pinguedine deuotionis refecisti: seruum contumacem nu-
tristi delicatè, qui carnem gula, ebrietatibus, volu-
ptatibus que huius vitæ inescasti. Caro surgit in spiritum:
eum vitis seruire coëgit: eum vulnerauit, occidit. Hæc

ille. Et non inconcinne Seneca: Fateor nos gerere *Epist. 15:*

corporis nostri tutelam; non indulgendum illi: seruien-
dum nego. Multis seruiet, qui corpori seruit, qui pro illo
nimum timeret, qui ad illud omnia refert. Honestum ei
vile est, cui corpus suum nimis charum est. Et alibi: Ma-

ior sum, & ad maiora genitus, quàm vt mancipium *Epist. 66.*
sum corporis mei: contemptus corporis mei, certa liber- *c. 13. aurea*
tas. *verba.*

tas est. Quæ omnia, si Ebriosorum animi perpetuo versarent non ita licenter vini libidini adhererent, sed potius immodico appetitu, omni studio ac diligentia præcluso, ardore sobrietatis incensi, à licitis quoque interdum abstinere. Quam qui virtutem attingere parat; vim aliquam vini illecebræ inferre debet, Quod ni faciat, omnis frustra cetero qui labor impendetur. Opprimenda est, ac frangenda in vinum appetentia; quod quidam, & cum sciant, & cum facile queant, nolunt tamen haud minori damno suo, quam Phryx ille fuscus apud Martialem, insignis bibo; cui cum à medicis interdictum esset vino, ni visum, atque oculorum illicò lumen amittere vellet: quo ille nil tegeris, protinus ori admoto vini poculo --

*Eras. Ad-
ag. chil. 2.
cent. 7. nr.
38.*

*Martial.
in Epigr.*

*Valebis, oculo inquit, exitum requiris?
Vinum Phryx; oculus bibit venenum.*

CAPVT XVII.

Remedium III.

Verbi Dei sedula auditio & lectio.

CUM cibus ac potus anime sit verbum Dei, si hoc studiosè perquiratur, non facile quemquam in vitium intemperantiæ vini lapsurum, ipsa res indicare videtur. Nam cui potus ac cibus anime cordi est, de corporalib⁹ illis delitiis, quas cum brutis communes habemus, parum sollicitus erit, imò ut multis contestatum exemplis, cum fastidio nauiseabundo non rarò illas gustabit.

Matth. 4. Id nobis remedium Christus ipse legitur suppeditasse, cum se tentanti Diabolo, sic respondit: *Non in solo pane,* non in solo cibo & potu corporali, *vult*